

Nalog supervizora o privremenom finansiranju institucija Brčko Distrikta za period od 1. januara do 31. marta 2009. godine

U skladu sa ovlaštenjima koja su mi data stavovima 8, 10, 11, 13, 36 i 37 Konačne odluke od 05. marta 1999. godine koju je donio Arbitražni tribunal za spor oko međuentitetske linije razgraničenja na području Brčkog (“Tribunal za Brčko”);

Nadalje u skladu sa stavovima 13 i 67 Konačne odluke kojima se propisuje da će nadležnost Arbitražnog tribunala nastaviti da postoji sve dok “supervizor, uz odobrenje visokog predstavnika, ne obavijesti Tribunal (...) da te institucije (Brčko Distrikta) funkcionišu efikasno i po svemu sudeći trajno”;

Podsjećajući na odredbe iz stava 8 (b) Aneksa Konačne odluke od 18. avgusta 1999. godine, o pripremi godišnjeg budžeta Distrikta i krajnjem autoritetu supervizora za pitanja budžeta Distrikta;

Imajući u vidu da su 05. oktobra 2008. godine održani lokalni izbori u Brčko Distriktu, po tek drugi put od nastanka Distrikta, te da je neophodan razuman vremenski okvir za konstituisanje novoizabrane Skupštine, a time i imenovanje nove Vlade;

Imajući nadalje u vidu da je konstitutivna sjednica novoizabrane Skupštine još uvijek u toku i da još uvijek nije postignut politički dogovor oko imenovanja novog predsjednika Skupštine, zamjenika predsjednika Skupštine i gradonačelnika;

Imajući na umu krucijalnu potrebu da se postigne legitiman i održiv politički dogovor u okviru novoizabrane Skupštine, kako bi se osiguralo efikasno funkcionisanje Brčko Distrikta i stvorili uslovi potrebni za pravilno okončanje supervizije i za efikasno i po svemu sudeći trajno funkcionisanje institucija Distrikta nakon okončanja supervizije;

Imajući u vidu da pošto novokonstituisana Skupština još uvijek nije u mogućnosti da donese odluku o usvajanju nacrta budžeta za 2009. godinu ili privremenom finansiranju institucija Brčko Distrikta prije kraja ove godine kako što je propisano Statutom i Poslovnikom Skupštine Brčko Distrikta;

Smatrajući za neophodno da osiguram finansijsku stabilnost i kontinuiran, nesmetan rad institucija Brčko Distrikta dok se ne postigne dogovor između političkih predstavnika u Brčko Distriktu.;

Nakon što sam obavio konsultacije sa novoizabranim poslanicima i sa Direkcijom za finansije Brčko Distrikta o potrebi dase obezbjedi privremeno finansiranje institucija Brčko Distrikta dok novoizabrana Skupština u potpunosti ne počne sa radom i dok nova Vlada ne bude imenovana i potvrđena od strane Skupštine;

Nakon što sam, stoga, odlučio da preduzmem neophodne mјere kako bih osigurao finansijsku stabilnost institucija Brčko Distrikta za prva tri mjeseca naredne fiskalne godine;

Stoga ovim putem nalažem sljedeće:

1. Odjeljenja Vlade Brčko Distrikta i institucije Brčko Distrikta biće privremeno finansirane za period od 1. januara 2009. godine do 31. marta 2009. godine, u ukupnom iznosu od BAM 26.734.764,49.

2. Budžetska sredstva za privremeno finansiranje iz stava 1 ovog naloga biće raspodjeljena odjeljenjima Vlade Brčko Distrikta i institucijama Brčko Distrikta na način izložen u

aneksu ovog naloga i biće korištena u skladu sa Zakonom o budžetu Brčko Distrikta.

3. Odmah po izboru predsjednika Skupštine, zamjenika predsjednika Skupštine, gradonačelnika i skupštinskih komisija, Skupština Brčko Distrikta će zakazati redovne sjednice i započeti rasprave o nacrtu budžeta za fiskalnu 2009. godinu, koji dostavi Vlada Brčko Distrikta i usvojiće budžet tako da stupi na snagu najkasnije do 31. marta 2009. godine.

4. Ovaj nalog stupa na snagu odmah bez daljnjih proceduralnih radnji.

5.Svi javni zvaničnici, državni službenici i zaposlenici u Brčko Distriktu će preduzeti sve neophodne mјere kako bi osigurali da ovaj nalog bude u potpunosti izvršen.

6. Ovaj nalog prestaje da važi u slučaju da Skupština Brčko Distrikta usvoji budžet u redovnom postupku i prije roka od tri mjeseca koji je propisan u stavu 3 ovog naloga.

7. Kako bi se izbjegle nedoumice, odredbe ovog naloga imaju veću pravnu snagu u odnosu na sve propise i pravne akte koji nisu u skladu sa njim, a u mјeri neophodnoj da ovaj nalog bude u potpunosti sproveden.

8. Ovaj nalog supervizora biće bez odlaganja objavljen u Službenom glasniku Brčko Distrikta Bosne i Hercegovine.

9. Ovaj nalog supervizora biće objavljen na engleskom jeziku i službenim jezicima Bosne i Hercegovine. U slučaju bilo kakve neusklađenosti, verzija zakona na engleskom jeziku je mjerodavna za sve namjene.

dr Raffi Gregorian
supervizor za Brčko Distrikt
prvi zamjenik visokog predstavnika

**Aneks Naloga supervizora od 23. decembra 2008. godine
o privremenom finansiranju institucija Brčko Distrikta
za period od 1. januara do 31. marta 2009. godine**

**Tabelarni prikaz finansijskih sredstava
raspodjeljenih odjeljenjima i institucijama Brčko Distrikta**

Organizacioni kod	Odjeljenja i institucije	Iznos u KM
10	Odjeljenje za stručne i administrativne poslove	810.297,78
12	Odjeljenje za javni register	713.935,51
13	Odjeljenje za zdravstvo	6.082.947,31
14	Odjeljenje za poljoprivredu, šumarstvo i vodoprivredu	851.070,66
16	Odjeljenje za javne poslove	356.040,57
17	Odjeljenje za obrazovanje	6.697.730,94

18	Odjeljenje za komunalne poslove	336.176,62
19	Skupština Distrikta	906.876,61
21	Policija Distrikta	1.907.350,79
22	Pravosuđe Distrikta	1.541.913,73
29	Odjeljenje za raseljena lica, izbjeglice i stambena pitanja	437.512,49
33	Odjeljenje javnu sigurnost	1.029.810,78
34	Odjeljenje za prostorno planiranje i imovinsko-pravne poslove	300.463,52
35	Odjeljenje za privredni razvoj, sport i kulturu	933.982,28
37	Direkcija za finansije	800.078,25
38	Komisija za hartije od vrijednosti	75.423,91
39	Kancelarija za upravljanje javnom imovinom	284.833,40
40	Kancelarija gradonačelnika	1.342.849,36
41	Kancelarija koordinatora u Vijeću ministara	49.870,97
UKUPAN IZNOS TEKUĆIH IZDATAKA		25.459.165,48
25	Tekuće rezerve	1.275.599,01
	UKUPNO	26.734.764,49